

光緒順天府志

京師志十七

光緒順天府志十七

寺觀二

德清蔡歷年纂江陰縣志孫履瑞

郭外寺觀

華光寺在東直門外之北

寺內有明天順五年六年重修碑二其南者為靈應寺已圯正

殿前存建會造像功德碑字已剝蝕

寺院冊 萬厯沈志謂有敕建碑今無考

月河寺在朝陽門外南

月河梵院僧道深別院也池亭幽正甲於都邑

春明夢餘錄

古名寶

藏寺相傳有一粟軒聚星亭諸蹟已圯廢矣

舊聞考入十八程敏政月河梵院

記月河梵院在朝陽關外南首舊園之西院後為一粟軒會西
墅道士所題軒前峙以巨石西開小門門隱花石屏屏北為聚
星亭四面皆欄檻亭東石盆高三尺夏以沈李浮瓜者亭前後
皆石少西為石橋橋西雨花臺上建石鼓三臺北草舍一楹曰
希古東聚石為假山峰四曰雲根曰蒼雪曰小金山曰壁峰下
為石池接竹引泉水涓涓自峰頂下池南入小橋為槐屋屋南

小亭中度鸚鵡石重二百觔色淨綠石之似玉者凡亭屋臺池
悉編竹爲藩詰屈相通自一栗軒折而南東爲老園園之門曰
曦先其北藏花之容容東春意亭四周皆榆柳穿小徑以行東
有板橋橋東爲彈琴處中置石琴上刻曰蒼雪山人作少北爲
獨木橋折而西爲蒼雪亭亭下爲擊壤處處有小石浮屠循坡隨
東上爲灰堆山山有聚星亭望宮闕歷歷可指亭東曰竹塢下
山少南門曰看清結松爲亭踰松亭爲觀瀾處遠望月河水自
城北透迤而來觸斷岸潺潺有聲別爲短牆以障風雨曰考槃
樹盤旋而北門曰野芳少南爲蝸居東爲北山晚翠樓苑僧道
深通儒書宣德中住西山蒼雪庵賜號圓融顯密宗師後歸老
乃營此自娛自又朝陽門外舊有元利長慶寺已圯舊聞考入
稱蒼雪山人又朝陽門外舊有元利長慶寺寺內有明敕建碑
順帝紀至正二十七年六月長慶又隆壽寺寺內有明敕建碑
寺有龍纏繞槐樹飛去樹皮皆剝
萬厯
沈志

天妃宮在朝陽門外大橋北西河沿

舊稱天妃廟明景泰間升爲宮

據耶濬廟碑山大川忠臣義士在祀典者所

在有司主之惟南海女神靈惠夫人至元中以護海運有奇應
加封天妃神號積至十字廟曰靈慈祝文云年月日皇帝遣某
官致祭於護國庇民又舊有明耶濬所撰碑耶濬瓊臺會稿載
廣濟福惠明著天妃又舊有明耶濬所撰碑耶濬云京師舊有

天妃廟在都城之巽隅大通橋之西景泰辛未道士邱然源援南京例請升為宮然規制尙存其舊弗稱宮之名也成化庚子然源乃募材鳩工拓大而一新之祠神之宮茲其稱矣

最勝寺在朝陽門外東壩

寺建置未詳東壩一名壩上舊傳鄭邨壩明御馬苑設寺前舊考入十八明武宗實錄正德二年五月命戶部查給最勝寺前馬房草場地十頃與寺作香火且贍護太監錢喜錢福錢能墳塋劉瑾壩上又有靈應寺有敕建碑萬曆沈志

雙林寺在東便門外循河五里

寺之建置未詳舊聞考亦未載林木蔚秀昔年查糧御史嘗駐

寺中蘇陰雜記查他山秋飲雙林寺河亭上詩共喜聯袂去精藍古埃邊斷橋花底鷺高岸柳陰蟬野意迎涼爽秋容

得雨先昔游吾自訕塵土夢三年

廣惠寺在東便門外

舊有刹曰觀音庵莫知所從起明天順初有釋宗喜來葺茅居

之浚井以濟人渴節縮所有時時修之二十年矣成化丁酉司
禮太監黃賜司設太監覃文各捐金拓地鳩工庀材建大雄殿
後爲大士殿左右爲伽藍祖師之堂前爲天王殿鐘鼓樓輔以
長廊繞以大墻爲山門三爲石梁二事聞賜名廣惠寺據程敏政碑
碧霞元君廟在永定門外馬駒橋

馬駒橋一名宏仁橋凉水河所經也廟建於明季據汪楫使琉球雜錄云明

莊烈帝時天妃始有碧霞元君封號土人評爲南頂乾隆三十八年

發帑重修前殿奉碧霞元君中殿奉東嶽後殿奉斗姥舊聞考四十東

直門外亦有碧霞元君廟土人評爲東頂寺院冊

宏善寺明太監韋霽建也在左安門外迤東魏邨社

一偁韋公寺建於明武宗時太監韋霽資竭不能竟詔水衡佐

焉賜額宏善帝京景物略寺東舊有亭極園林花木之勝俗評韋公

莊其亭已圯深溪假山在焉寺後有靜觀堂西壁有康熙初禹

之鼎畫雙鶴圖東壁有陳奕禧書徐渭畫鶴賦舊聞考九十

東行一折有堂堂三折有亭亭後假山亭前深溪溪里許蘆荻

滿其中寺南觀音閣蘋婆一株高五六丈寺內西府海棠二株

左右列寺後有柰子樹花時人多負几案攜酒肴飲樹下暮則

就宿於寺長安客話韋公莊寺館俱新整而臨流一亭尤為

游屐所湊隔里許有柰子古樹婆娑數畝春時花開望之如雪

三夏葉特繁密列坐其下烈日不到公安袁宏道嘗謂戒壇老

松黝靈宮柏城南柰子可稱卉木中三絕云天府廣記寺後

有西府海棠二株高二尋每開爛如堆繡香氣滿亭昔人恨海

棠無香誤也今海棠亦久無存

本朝安親王園舊在寺前藤陰雜記宋牧仲游安親王園不得

賦才閒棹思免苑杖策過香臺畫棟秋雲隔松關暮雨催南征聞奏捷飛蓋會追陪

海會寺明穆宗受釐所也在左安門外迤西馬家邨

明沿元俗凡帝主及東宮與諸王降生俱剃度童幼替身出家

相傳是寺為穆宗初生受釐之地據沈德符嘉靖十四年建萬

厯二年增修有張居正撰碑寺院冊張居正重修海會寺碑

乙未穆宗皇帝常受釐於此皇上卽位之二年聖母慈聖皇太后

后出內帑銀卽其地更建焉會游僧有范成銅像一軀無所庇

覆司禮監太監馮保請移置其地復出內儲大木以爲殿材中

爲殿三皆三楹方丈一凡五楹鐘鼓樓二配殿十二禪堂十僧

房四十有奇前爲山門練以周垣又於

其外拓地六頃以爲焚修供具之資

本朝順治十三年重修有僧道忞撰重修碑寺院冊僧道忞重

之南有寺曰海會者擢於嘉靖乙未之歲世穆二廟咸命僧代

度於此至萬厯初慈聖太后復發帑金命內臣撤其圯壞相度

而增修之江陵張相國爲文記其事詳且悉矣今上受天

眷命撫有萬方維時順治丙申歲久寺頽都人士謀欲鼎新乃

削積命本寺僧走江淮請今慈璞聰公住持是刹首創濟宗禪

衆川趨宗風大振丁酉上符南苑因幸寺延見聰屢召入

初雖尊崇象教而未知意宗門者舊知有宗門者舊則自慙璞

固山門之屬煥然一新丐子言記之以昭示後人使永爲十方

御製詩碑寺院冊

常住不墜宗風焉順乾隆二十二年復加繕葺立

拾十七年孟秋立

隆禧寺明璫李興建也在左安門外迤西東皋邨

明宏治十四年五月內官監太監李興請建僧修一所於大興縣東皋邨仍乞賜寺額護敕賜額曰隆禧竝請以僧錄司左覺義定錡住持又以寺西有官路不便乞以其私地易路東苜蓿官地得旨陞定錡爲右講經兼本寺住持時禮科都給事中甯舉劾之上置勿論寺內有宏治十四年碑禮部尙書張昇撰又萬厯二十二年住持僧正先重修碑舊聞考九十

廣恩寺古刹也在右安門外西三里菜戶營

寺莫詳所始舊名清勝寺遼天慶年間釋慈慧便住清勝講經

律論

据慈慧大師塔幢師塔幢

俗評周橋寺內有燕山府清勝寺慈慧大師塔

幢一朱宣和七年二月建

寺院册

舊聞考引圖經南清勝寺在舊城諸潤公長老住持有日十分

好月誰家池沼不能來一片閒雲是處巖巒皆可住

涼水河支水北經寺前

舊聞考九十

九蓮慈陰寺明建也在右安門外三里

九蓮菩薩者明神宗母孝定李太后也太后好佛宮中像作九

蓮座莊烈帝第五子悼靈王慈煥生五歲而病帝視之忽云九

蓮菩薩言帝待外戚薄將盡喪諸子遂薨帝念王靈異封爲孺

孝悼靈王元機慈應眞君

據明史諸王傳

命建佛寺於草橋之北額曰

九蓮慈陰寺時崇禎十五年也寺基舊屬嘉蔬署周圍地一頃

有餘內官監太監王德化疏請歸寺徵租督工者中官于翰曜

也

趙吉士寄園寄所寄錄

今正殿右廡有悼靈王像寺前殿爲天王殿中

爲萬德殿後爲地藏殿正殿之兩廡曰敏慧殿善法殿

舊聞去考

寺里許舊有祖氏園其相近有萬泉寺寺莫詳所始有水閣荷

花尙盛

藤陰雜記

碧霞元君廟唐刹舊址在右安門外草橋北

草橋唐時有萬福寺寺廢而橋存明天啟間卽基建碧霞元君廟士人評爲中頂乾隆三十六年

發帑重修前殿奉碧霞元君中殿奉東嶽廟內有康熙年所立碑

二一大學士王熙撰一大學士李天馥撰舊聞考九十一

天甯寺古刹也在廣甯門外

寺爲元魏時所造號光林釋道宣續高僧傳隋爲宏業唐爲天王寺院冊

長安客話唐開元中改額天王金爲大萬安寺院冊元耶律楚材湛然居士集金大定二十一年改宏業寺爲

大萬安寺當元末兵火蕩盡明初文皇在潛邸命所司重修長安禪寺

客宣德中改曰元甯正統乙丑更名廣善戒壇寺院冊按折話

戒壇今並從御碑後復今名乾隆二十一年重修有

御製文勒石立殿前次爲接引佛殿屏後懸寶塔圖書華嚴經塔

高一丈五尺五寸計六十萬四十三字康熙辛未虞山許惠寫

大興口秀同室人劉氏施

舊聞考九十一

寺內隋塔高二十七丈五十

五寸

良齋筆記
塔藏舍利

釋道宣神州塔傳隋仁壽間幽州宏業寺建
廣宏明集仁壽二年正月分布舍利五十一

州建立靈塔幽州表云三月二

十六日於宏業寺安置舍利

其中無階級可上蓋專以安佛

舍利非登覽之地也其址爲方臺廣袤各十二丈高可六尺繚

以周垣南北有門鐫之臺上爲八觚壇高可四尺象如黃琮塔

建其上觚如壇之數塔之址略如佛座雕刻錦文華葩鬼物之

形上爲扶闌闌四周架鐵燈三層凡三百六十盞每月八日注

油然之闌之內起八柱纏以交龍牆連於柱四正琢爲門夾立

天王像四隅琢爲牖夾立菩薩像皆陶甃爲之仰望者疑爲燕

山奪玉石也自塔址至柱楣爲第一層其高約全塔三分之一

自是以上飛檐疊拱又十二層每椽之首綴一鈴八觚交角之

處又綴一大鈴通計大小鈴三千四百有奇風作時鈴齊鳴若

編鐘編磬之相和焉最上一層其南有碑不知何年所立又止
露盤相輪鑒金火珠以鎮其頂塔下塔入面各安一鐵鼎高丈
餘腹按八方畫八卦明萬厯年所鑄塔前一石幢上刻尊勝陀
羅尼咒遠重熙十七年立今無存塔後第二殿曰大覺再後爲
廣善戒壇亭午日射右扉倒影落石上作雙椽燭影蓋扉下偶
有二隙光緣此而分也徐善洽然志塔垣東南有碑一康熙十一年
尙書龔鼎孳撰集明董其昌書舊傳塔下有明宣德十年更寺
名碑碑陰爲正統十年刊行藏經敕今亦不存舊聞考寺西北
有別院額曰宗師府寺僧謂卽姚廣孝所居也寺院册長安客話姚廣孝退

自慶壽會居焉

國初名人如王士禎朱彝尊會寓寺中

寺院册 漁洋文集子弱冠游京師於翰林友二人

焉曰相國合肥李公澤州陳公子既散曹二公雖號清切然嗜
好相似下直必偕乙卯至京二公卽日訪于於天甯寺于通他

住二公坐塔下待于杜鎬將下始連騎入城朱竹陀寓天甯寺詩青豆房容借經旬且閉關日邊連右輔樹杪鄒西山六井泉相似千花塔易攀不應朝市客翻羨旅人閑萬古光林寺相傳拓跋宮著書非柱下留客即淹中味折園蔬甲香攜市酒筒波濤人海闊安坐作漁翁到此樓遲慣都無應接勞借書僮入市莖薦馬騰槽路射層層火松鳴夜夜濤惟嫌重九會風雨罷登高按曝書亭集九月八日天甯寺觀塔燈與徐善朱茂明查慎行高佑鉅魏坤聯句有云綆缶牽膏油豆火發星燄徐初如螢尾炫忽若獸目睽朱或如鎗欬炭或如電炊枯蒿須臾虞扶閉微作四百點竹氏虛堂鑒纖毫老樹失奄冉盡氛煙看直上樓閣時一閃查又查查浦有塔燈詩燈明三百六十點風撼三千四百鈴最好天甯雲外塔恨無梯級上青冥想見當時塔燈之盛今不問矣惟游燕尚寺東南不半里舊有宏化寺惟一不報并饒行者於此茶話

殿存寺額及佛像皆亡之矣殿後百餘步有塔不甚高然亦重簷七層其第一層有石陷壁間刻曰僧錄司左善世大慈仁寺

開山第一代住持傳曹洞宗師大機老人塔

沈進行國錄

大慈觀音寺金刹也在廣甯門外西南一里

寺創自金朝明中葉有僧無為駐錫於此大宏經典繼者亦講

演不絕遂爲京畿講院之冠

謹據御碑

一偈海會禪林明初御菜

園設此焉成化間上林苑監覃盈復建以北有玉河鄉觀音寺

土人目爲南觀音寺

舊聞考參陳志

康熙初年僧樂修重新之二十五

年春

聖祖臨幸其地題寄興高遠四字額懸之寺樓雍正十一年

發帑重修有

世宗御製碑文立殿前寺內又有明成化五年碑吏部郎中劉文撰康熙四十二年碑大學士張廷敬撰其在廣甯門外迤西五里爲眞空寺景泰初太監興安所建正德十六年夏四月世宗入繼大統駐蹕於寺之西行殿百官迎覲御用監太監李端以修葺上聞嘉靖元年端以上所賜金經營工作凡九十餘日告完庶吉士張治撰碑又有嘉靖四十二年工部尙書張文憲撰

碑

寺院冊

明神宗實錄萬厯六年六月大學士張居正抵京上賜宴於眞空寺

萬佛延壽寺在天甯寺西十里大井邨

明初立義井庵井在門外或曰密井相傳文皇駐蹕甘其泉故名庵爲中涓所修

長安客話

萬厯中賜今額外寺後有大悲閣內奉

大士金身高三丈六尺閣前立明神宗敕諭碑其正殿前有崇

禎十三年碑河南右布政周鏞撰

寺院冊

寺前石道有石坊曰經

環同軌曰蕩平歸極乾隆四十年建字爲

高宗御書也復西十里卽盧溝橋橋北里許有城曰拱極棚於崇

禎十年城內路東有觀音庵明嘉靖四十一年重修有碑一無

撰人姓名路西有興隆寺康熙六年重修有趙之符開建十方

院碑磬一成化六年鑄鐘一萬厯丁未賜護國廣慈寺蓋後人

移置斯寺中

舊聞考

九十二

玉皇廟在永定河南岸頭工公義莊

廟東北距京城八十里西距良鄉縣三里舊廟基在今廟西百餘步嗣因河流衝齧移置今所乾隆三十七年復

命修葺寺院冊

白雲觀唐天長觀舊址在西便門外一里許

觀舊為唐天長觀寺院冊元一統志天長寺在舊城內有唐再修天長觀碑節度衙推劉九霄撰成通七

年四月道士金明昌三年重建泰和三年改為太極宮寺院冊李知仁重葺

宗紀泰和三年十二月元太祖丁亥改為長春宮為元長春真賜天長觀額為太極宮

人耶處機藏蛻所也其弟子尹志平建觀為宮之東墟號曰白

雲舊聞考九十四詔書成吉斯皇帝敕真人耶師省所奏應

種馳傳訪諸滄海時與順適天不人違兩朝屢詔而弗行軍使

一邀而肯起謂朕天啟所以身歸不辭暴露於風霜白願跋涉於沙磧書章來上喜慰何言軍國之事非朕所期道德之心誠云可尚朕以彼首不遐我伐用張軍旅試臨邊陲底定來從去

背實力率之故然久逸暫勞冀心服而後已是用載揚威德略
駐車徒重念雲軒既發於蓬萊鶴馭可游於天竺達摩東邁元
印法以傳心老氏西行或化胡而成道顧川途之雖闊瞻几杖
以非遙爰答來章可明朕意秋暑師比平安好指不多及請
疏燕京行尚書省石抹公謹請眞人長春公住持天長觀者竊
以必有至人而後可以啟箇中機必有仙關而後可以待方外
士天長觀者人間紫府天上福田若非眞神仙人誰稱此道場
地仰惟長春上人識超羣品道悟長生舌根有花木香胸襟無
塵土氣實人天之眼目乃世俗之津梁向也乘青牛而西邁不
憚朝天天今焉奉紫詔而南回正當傳道幸無多讓早賜光臨謹
疏癸未年八月日按元陳時可白雲觀處順堂會葬記脩長
春宗師既逝嗣其道者尹公乃易其宮之東甲第爲觀號曰白
雲云云見甘水仙源錄凡長春宮自元以上所有碑文如元一
統志所載唐劉九善天長觀碑及元重修天長觀碑與長春成
道本行二碑長春弟子明洪武二十七年太宗居潛邸時重修
各道行碑久已不存

國朝乾隆二十一年重修今觀內前殿設靈官像其右爲儒仙之

殿其東殿設張三丰像次爲七眞殿次爲耶祖殿塋耶眞人像

都人於正月十九日致酬祠下謂之燕九節景物殿後玉皇閣

明建殿外爲配殿寺院册查嗣璉人海記脩爲玉歷長春之
殿殿右有儒仙之殿中有塋像紫面黑髯幘

頭團花袍玉帶袞補按李道謙甘水仙源錄有觀津張本者正大九年以翰林學士使北見留遂隱爲黃冠居燕長春宮疑卽其人也再入爲七眞翁光之殿堂中列七眞像旁繪十八弟子拂拭塵土隱約可辨者北壁則抱元宗師趙道堅太元宗師朱道安清和宗師尹志平太素宗師孫志堅守一宗師夏志誠明眞宗師何志清東壁則沖和宗師張志素崇眞宗師李志常洞明宗師基志清映宗師潘得沖西壁則敷化宗師孟志穩光教宗師鄭志修抱撲宗師鞠志圓光範宗師于志可眞宗師王志明按李得嚴碑尙有朱得方張志遠楊志靜三人已漫滅不可復識矣又北爲眞寂堂卽處順堂故址堂中塑邱眞人像二其大者雙瞳點漆精采如生非阿尼哥劉鑾輩不能爲也沖和本潘行沖號而畫壁作張志素又孟志源乃作志穩皆與仙源錄異惟十八人姓名仙源錄所未備也按十八弟子名號據李得嚴碑不如西游記所載爲竊其述隨行門人虛靜先生趙道堅沖虛大師宋道安清和大師尹志平虛寂大師孫志堅清眞人夏志誠清虛大師宋德方葆光大師王志明沖虛大師子志可崇道大師張志素通眞大師鞠志圓通元大師李志明眞大師鄭志修元眞大師張志遠悟眞大師孟志穩清眞大師纂志清保眞大師何志清通元大師楊志靜沖和大師潘德沖其中號沖虛者兩人號通元者兩人或道藏本刊時有訛莫得而考然爲李志常所親記耶祖殿有木鉢一乃剗木瘳爲之上較後來追述者爲足從矣耶祖殿有木鉢一乃剗木瘳爲之上廣下狹可容五斗內塗以金刻

高宗御製詩其中石座承之繞以朱闌其前殿庭中有明碑二

冊 胡漢重修白雲觀碑白雲觀乃邱真人藏蛟之所洪武二
十七年太宗文皇帝居潛邸時重建前後二殿廊廡庫廚及道
侶藏修之所宣德三年太監劉順建三清殿正統三年道士倪
正道募建玉皇閣正統五年復建處順堂以奉長春正統八年
建衍慶殿於玉皇閣之前重修四帥殿及山門建靈星門於外
緣以周垣樹以嘉木觀至是始大視舊有加云 邵以正重建
白雲觀長春殿碑都城西南觀曰白雲邱真人仙蛻在焉舊有
殿曰長春乃清和尹宗師所構以覆遺蛻而奉真人者也日就
傾圯念真人與先師劉真人偶同長春之號而師祖趙真人又
受北派金丹之傳於真人而以正真嗣派之雲孫也乃謀新之
殿三楹既像真人於其中復圖十八大師暨祖師先師之像於
其壁經始於景泰丙子落成於次年 小直沽天妃宮住持李
得晟長春殿增塑七真仙範記略云白雲觀舊有處順堂清和
尹宗師藏殿師長春邱真人仙蛻於下封土為塚構此為覆者
也景泰丙子我師祖通妙邵真人撤堂拓地備勒貞珉得展於
正德己巳拜謁祠下觀簪纓脫落日就傾圯思繼先志召匠鳩
材以堅易朽補缺為完比昔加壯麗焉復命匠氏更址增仙像
六軀通原像為北派七真也其東坐西向坐首則丹陽先生馬
鉅次則長春先生譚處端又次則長春先生郝大通清靜散人孫不二次
者有正陽先生王處一廣甯先生郝大通清靜散人孫不二次
序悉與東坐相匹惟中乃長春先生郝大通清靜散人孫不二次
贈號本元世祖至元六年之所錫舊壁間繪十八大師像及五

眞人像第恐後人莫可辨識遂訂野史得隨師西域弟子謂趙道堅宋道安尹志平孫志堅夏志誠宋德方王志明于志可張志素鞠志圖李志常鄭志修張志遠孟志穩蔡志遠何志清楊志靜潘得冲數子耳若夫原陽趙眞人受北派金丹之傳者及門受業也長春劉眞人封號相類異世同符者也至如通妙邵眞人善教杜眞人下及得晟溫厠妙應眞人皆嗣派雲孫蒙其餘澤者也繪形於羣師之有修撰許彬碑又七眞殿左有明兵後正德十一年歲次戊辰科給事中趙士賢碑右有戶部員外郎張瓚碑貞寂堂左有陝西按察副使劉效祖碑右有刑部尙書顏頤壽碑觀東偏有斗姥閣額曰大智寶光爲

聖祖御書也其西北舊有眞常觀

寺院册春宮別院眞常李公所建因以

名之初宮之西北正與朝元閣相直可一里所有廢地一區眞常偶過其處謂從者曰此可居也吾將老於茲焉版築未施而眞常棄世嗣教誠明張眞人繼眞常遺意構三清殿九眞堂靈官之祠所眞之壇齋堂廚舍又構靜室以居年高不任役者王渾眞常觀記眞常觀爲全眞學者重元子樊君志應所建也崇堂爲殿下至齋廚殿庫靡不畢具復置菜園一區負郭田二百畝資給道衆按秋澗集以眞常觀爲樊志應所建又舊有與甘水仙源錄所言不同觀今已無址其是非莫可辨

清逸觀內有琴臺

寺院冊 甘水仙源錄耶長春入西域弟子

及南歸居燕歲壬辰廣陽坊居人有貨其居者潘公買之以爲

長春別館建正殿翼以左右室築琴臺於殿之陰金有名琴二

曰春雷曰玉振皆在承華殿貞祐之變玉振爲長春所得命公

蓄之故以名其臺觀成以清逸名之潘公自號九峯老人魏

坤倚晴閣雜鈔白雲觀西有土阜焉高丈餘周圍百步疑卽潘

尊師琴臺故址 按清逸觀久廢無考今白雲觀西尙有土阜

一未識爲琴臺遺址否也 又白雲觀西南有廣恩寺卽遼之奉福寺也太康

十年正月復建寺浮圖明正統間改名廣恩寺

教寺今寺址已廢其地猶以三教寺爲名寺內舊有遼石幢守

司空曲國公中書令爲故太尉大師特建佛頂尊勝陀羅尼幢

記講僧眞延撰并書清甯九年歲次癸卯七月庚子朔十三日

壬子記

周質析 津日記

崇壽寺明瑞所立也在白雲觀西羊坊店市西

寺臨官道西望秀峯奇巖蒼翠如畫回瞻京闕巋然天表眞近

畿佳境也寺金碧輝映靚麗雄偉前爲土田嘉木陰翳敕賜寺額曰崇壽明正德癸酉司設監監正劉允乘所建行國錄寺門外

鐵獅二趺下有鎮宅獅子宏治七年造等字土人評爲鐵獅子

廟內明碑二一宏治七年溫仁和撰一爲費宏所撰其後院中

仆方石尺許爲住持善倫塔記也寺院冊記云示寂僧錄司右講經兼崇壽堂上開山第

一代住持仍兼大興隆寺本師序堂倫公大和尚雲塔僧錄司右講經兼崇壽寺第二

三代住持欽依廣善戒壇傳戒宗師寺東偏爲碧霞元君祠內

有天啟六年造磐一其在羊房店路南者爲觀音庵比耶尼居

之內有正德十五年買地碑記又崇禎庚辰年重修碑又相近

有普會寺嘉靖甲寅太監蔡秀重建土人評其地爲蔡公店殿

前尊勝陀羅尼石幢一後題大朝歲次己酉又嘉靖三十六年

李廷相撰碑一殿後松一本極蒼古意遠時所植也松下有遼

沙門奉航塔幢今松及奉航塔幢又不可蹤迹矣舊聞考九十三

無量庵在玉河鄉池水邨

舊名靈佑觀明正德間建

本朝順治十六年重修有碑一無撰人姓名

寺院冊碑云阜成門外不三四里許地

名三里河有古刹靈佑觀冊自明正德間今為廣種寺文明上人別院於甲午春王月重修戊戌年建兩配殿改額曰無量庵

相近有靜義庵普濟寺圓通觀皆明刹也又永安寺萬曆四十

年建有明嘉靖四十四年碑一右都御史胡志夔撰舊聞考九十三

觀音寺在玉河鄉池水邨

相傳寺為古刹奉觀音大士像明天順壬午鄉人樁五重建成

化丁酉僧德顯修之有程敏政撰重修寺記

寺院冊程敏政重修觀音寺記都

城西南五里許曰玉河鄉池水邨中有古刹曰觀音寺天順壬午歲鄉之人曰樁五合里之善士延釋恩祥重作之為祝釐禱崇之地成佛殿六楹而祥迤迤成化丁酉祥之徒右善世德顯始繼其師之志盡出己資鳩工闢地佛殿之六楹者歸然中起

左爲伽藍堂右爲祖師堂天王殿時其前觀音殿倚其後外爲山門殿左右爲方丈鐘鼓有樓庖廚庫藏有所建子屋數十楹居其衆收民田二百餘畝贖其食經始於某年某月訖工於某年某月住持恆裕懼其久而或泯命其弟善彬求記於子因訪其廢興之故蓋近得石刻於土中謂金天會七年梁王統軍至杭謁上天竺禮觀音大士像及大藏經異之因徙而北有北耶智完率其徒以從斯寺之所由始也石刻於大定十七年九月考之史梁王爲烏珠實以天會七年己酉入臨安是時爲宋建炎四年高宗遜於海凡玉帛圖籍盡航之經像寶輿之俱至大定十七年丁酉幾五十年矣世宗賢主自撥漢唐之盛圖功臣於衍慶宮烏珠預焉撫時與事有不勝其感者矣予嘗至天竺見所謂沈香大士像者杭僧率指爲梁時物以石刻證之則已北徙中失於兵燹久矣而杭僧不知也

高宗御製程敏政觀音寺記訂謄文

并注

朱彝尊曰下舊聞載玉河

鄉之觀音寺所供奉觀音大士像謂自杭州天竺寺移來而引程

敏政記以實之然咸淳臨安志又謂僧道元逢金難時祿大士於

井兵退知井所在得像歸之

咸淳臨安志載靖康初屬有金難僧道元祿大士像於井兵退瓦礫中忽

然有聲始知井所在得像歸之

院是疑案也不可以不辨夫大士爲佛妙觀察智

豎三際橫十方無時無處不在不繫乎像也故佛云以色見聲求皆屬邪道法身化身不可見報身則可見像者報身之偶託者耳既云偶託則假中之真亦不可不求其非中之是既求其非中之是則吾以爲仍在天竺者是而玉河鄉者非也何也天竺嘗四至矣大士相好宛存於心且命工肖斯像二而供奉之於御園之寶相寺及玉泉山之清涼禪窟茲觀程敏政之記乃若實有其事亦不無生疑遂命奉宸詣玉河鄉昇大士像至觀之則長短豐瘠迥然不同天竺者且五色莊嚴非所謂古木本色者也於是憬然悟程敏政之傳譌竝翻然悟道元之附會而天竺之大士本不卽不離無來無去謂燕京之大士與天竺之大士是一不可何況云二是則兩處之記本出於僧人執像炫俗之見而不明理好奇之文人遂亦耳食而恣影談卽以彼時事蹟論之烏珠南下欲得朱之

土地耳其次欲得其貨財耳且金興元不同元固蒙古信佛金則不然何必遷大士至北京乎蓋兵燹之餘寺或因亂致廢僧或隨而北至在北者欲神其說而創寺在南者欲復其迹而耀人以致兩地各有一大士而豈知大士無來無去是一不可何況云二哉雖然余茲筆之篇而訂其謬者得毋仍執一二是非彼此之見而違大士如如無我之本願乎哉

謹按劉侗景物略偈大士像晉天福中僧道珣見瑞光發潤得奇木

刻之餘與程敏政說同末云金大定十七年所刻天會七年梁王徙像事一石甚悉今寺中所奉又非晉像矣其殿前

有月臺臺上置大鐵鑪瓶槃及磬共六件本宣武門外歸義寺

中物嘉靖年間造歸義寺今廢因移置茲寺又殿內磬一有觀

音寺永遠供福萬厯十年八月造等字又鐘一有天順元年二

月勸緣沙門信昂住持惠顯檀越信官陳普錦等鑄造本寺祖

師殿供養等字又玉河鄉打龍廠有觀音庵內有明萬厯四十

七年所造鐘一高麗莊有勝泉寺成化九年侍讀學士安成彭華撰碑一又朱家莊有廣慧寺明成化間因五華寺遺址修建今已圯惟餘屋三楹內磬一鐘一竝有玉河鄉朱家莊五華寺等字寺後廢壤中仆大鐘一有萬厯二年三月敕賜廣慧寺開山祖師中圓等字寺有舊碑二一爲廣慧寺開山記僧道深撰寺院册記云京都之西十數里許玉河鄉朱家莊五華梵刹乃古之遺迹歲久荒蕪於正統年信官覃文達王福興輩邀中圓尊宿重開其山依原基修造工完凡十載敕賜額曰廣慧禪寺特命中圓尊宿爲第一代重開山祖師成化五年四月立又一碑爲檀越題名記同時立也舊聞考九十五

廣濟庵明天順間建爲廣慧寺下院也在玉河鄉池水邨

玉河鄉池水邨五道聖廟之旁爲古刹觀音堂歲久荒蕪天順元年廣慧禪寺瑞雲遇施地功德主惠普寬等喜捨建寺曰廣濟以爲廣慧之下院有天順八年僧道深開山記碑據開山記內有

金承安五年塔幢一凡六面一面陀羅尼梵文又二面爲破地獄眞言梵書又三面爲記文楷書

圓覺禪寺在三里河路北

寺本明刹也有鐘樓懸銅鐘一其款識爲明嘉靖甲午年五月阜成門外三里河池水邨太監麥口造等字乾隆十六年重修

移山門於南有董邦達撰碑記

寺院冊 董邦達重修圓覺寺碑寺爲明嘉靖間中涓麥某建

一本朝雍正八年地震漸就圯住持際章江南宿遷人早歲於本貫善因菴剃度來游京師受聖時師衣鉢於圓覺寺茲復募十方善信蒙 賜白金五百兩興修移山門於南拓二十餘弓經始於乾隆十六年五月落成於十七年四月乾隆二十一年歲次丙子寅月立

慈明寺明萬厯間敕建也在阜成門外南驢市口

寺內有萬厯四十四年敕建碑又阜成門外甘家口有報恩寺內有明天啟元年戶部觀政劉漢儒撰碑一廣福禪林有天啟

五年造磬一大悲菴有嘉靖三十六年造鐘一又夕月壇東有

萬明寺內有萬厯四年造鐘一上勒萬明寺拜懺鐘六字

寺院冊

燕都游覽志謂寺中有
蘭數本今無植之者又寶塔寺殿前塔高二丈餘軀基高三

尺許第一層疊石爲之二層製方每方刻菩薩像三四五層皆

六面每面刻佛像有正統十三年賜禮部劄付碑云寺初名宰

塔後改今名

舊聞考
九十六

慈悲院在阜成門西關大街北

乾隆二十八年潭柘僧募建爲收養老穉廢疾之所

舊聞考
九十九

衍法寺元利故址在阜成門外大街路北

相傳元觀音寺故址明天順間嘗卽其地新之寺之名始著成

化甲午太監阮安再新之請於朝得賜今額又四十年其廢甚

於舊太監張雄捐貲鼎建中爲大覺殿前爲天王殿爲明王殿

後爲千佛閣又後爲眞武殿伽藍觀音二殿列於左祖師地藏
二殿列於右鐘鼓二樓對列於殿前之左右輔以修廊繚以高
墉像設經幢咸具其外東爲齋堂爲庖廚西爲禪堂爲茶室又
各爲方丈若干楹經始於正德三年三月落成於六年十月前
殿碑二皆正德七年立一李東陽撰一楊一清撰後殿碑一萬
厯壬寅仲春立戶部郎中王愛撰其地遼時爲葬所也有尊勝
陀羅尼幢統和十八年大同軍節度管內觀察處置等使李翊
將仕郎守祕書省校書郎李懿建幢墳所爲薦考妣亡靈者又
施食幢僅餘半截上刻神像皆乾隆三十六年寺僧於殿左掘
得置諸後殿寺西舊有資福寺土人評爲臥佛寺已圯空壤中
有仆碑文已漫滅碑陰尙有膳監太監馬海等字當卽成德漾
水亭雜識所稱之嘉靖初錢使民撰重修碑也距碑數十武有

塔形製如妙應寺白塔而高稍遜中空爲佛龕而無像設南向
門一門額石刻云多寶佛聞釋迦佛說妙蓮花經我能仁三展
淨土供多寶佛十方分身諸佛雲集一處我身出現爲聽經故
千生少遇萬劫難逢諸眾同修共成佛果壬寅仲春三日
慈慧寺明刹也在阜成門外迤西二里許

寺勦於明太監爲施茶設也慈聖太后增建賜額慈慧其牆舊

砌亂石隨其稜角曰虎皮牆

帝京景物略

乾隆二十二年

敕修山門內爲殿兩重後殿額曰妙三明地爲

高宗御書也虎皮牆外東北隅距牆數百武爲昔之蜘蛛塔址

寺

冊王漁洋池北偶談慈慧寺有蜘蛛塔萬曆中少詹南充黃
平倩輝書碑平耽禪悅與僧思菴善嘗往此寺一日方誦金剛
經一蜘蛛緣案上向佛而俯驅之復來黃曰爾以聽經來耶爲
誦終卷又爲說情想因緣竟蜘蛛立蛻化去因以桑門法塔之
復書碑其蜘蛛塔碑移於前殿門右碑式如幘高餘三尺方廣
記其事

餘二尺南面鐫佛像北面鐫塔記東刻偈語西刻附記文塔碑

左為萬厯十九年頒賜藏經敕旨碑碑後刻金剛經後殿有萬

厯二十年碑禮部尙書李長春撰寺院册碑云阜成門外迤

渭義置以為施茶之所會上人真貴自蜀人燕諸中消延而居

此間於大內聖母慈聖宣文明肅太后增繕殿宇錫以大藏賜

名慈慧時予請急過家上冢上人乞文為停一日之輟昇之上

人號愚菴家吾蜀安岳縣云萬厯二十年十二月立按長安

客話傳有陶望齡碑廿井碑及黃寺後西北隅明立靜樂堂葬

碑所造撥蠟柑檀金像皆無存

宮人處也即古所謂宮人斜其在阜成門外香山鄉漏澤園有

永隆寺初名地藏寺後改本金利明正統間僧杲修建碑二一

天順三年翰林學士西秦黃諫撰寺院册碑云阜成門西二

伏嘉林沃壤宜樹宜稼是近城之幽勝據幽勝之所舊有地藏

寺基相傳為金源氏時建以無碑識弗可考正統改元僧錄司

杲公經此深為慨然命徒無照鏡公曰是古刹勝地不可廢也

鏡公領其事日除榛莽開土地工未畢杲公示減鏡公受僧錄

司牒主其眾歲癸亥敕賜額永隆禪寺天順三年

歲在己卯夏四月開山第一代住持慧鏡立石

其一為嘉靖

二十四年碑左中允孫陞撰又馬家溝舊有西域寺乃灌頂廣善西天佛子大國師茶毘之所也俗評三塔寺明宣德年間建已圯乾隆年間僅存數楹其階下猶屹立二碑一正統十年僧烏巴迪呢雅實哩等爲其師雅爾彌羅密克立吏部郎中曹義撰其一爲宏治十七年重修碑太僕卿李綸撰門外仆碑二一沒土中一尙見成化十四年六月李哲立等字三塔止存二西南隅榛壤中別有一塔相距較遠製亦不同僧云是爲晉同塔不在三塔之列也

舊聞考九十六

慈壽寺明慈聖太后立也在阜成門外西八里莊

明萬厯丙子慈聖太后爲穆考薦冥祉神宗祈嗣卜地阜成門

外得正德間太監谷大用故地建寺焉寺成賜名慈壽

野獲編

有碑大學士張居正撰

寺院冊張居正敕建慈壽寺碑寺在阜成門外八里莊聖母慈聖宣文太后

觀出供奉金委太監楊輝董其役外為山門天王殿左右列鐘鼓樓內為永安壽塔中為延壽殿後為甯安閣旁為仰藍祖師大士地藏四殿繚以畫廊兩楹禪堂方丈三所又賜園一區莊田三十頃食僧眾以老僧覺醯主之中官王臣典領焉寺成名之曰山門內天王殿後有永安壽塔見張居正碑 朱國楨湧慈壽壁金剛像如生乾隆二十二年

敕修塔下碑亭二左碑前紫竹觀音像并贊萬厯丁亥年造後刻申時行許國王錫爵瑞蓮賦初寺成時瑞蓮生於慈甯新宮命申時行許國王錫爵賦之碑勒寺左右碑前後魚籃觀音像亦有贊後刻關聖像并贊明諭德王輝撰萬厯辛丑年立閣下東偏供像一尊高尺許相傳為九蓮菩薩也寺院冊 楊士聰玉孝定皇后夢中授經者也覺而一字不遺因錄入大藏中旋作慈壽寺其後建九蓮閣內塑菩薩像跨一鳳而九首寺僧相傳菩薩為孝寺旁有菴曰摩訶菴明嘉靖二十五年太監趙政所定前身也創菴不甚大潔淨特勝他菴殿前多松檜四隅各有高樓疊石

爲之登樓一望川原如織西山蒼翠欲與人衣袂接爲魏璫所
毀菴前殿有碑二一爲尙書費采撰一爲尙書孫承恩撰俱嘉
靖二十七年立殿後右廂有竹一叢院中雜蒔草花摩訶菴東
偏金剛殿壁有明人重臨集篆三十二體金剛經石刻每經一
章爲一體每體標以分書而附以釋文明天啟初陳萬言跋寺
冊王崇政跋謂宋僧道肯因五代時僧夢英所集十八體而
廣之明黃梅汪可受得浮篋中舊本於黃蘗洲門人黃梅洪度
重臨付梓萬麻間庶吉士雷城侯恪朱繼祚姚希孟何吾騶施
光昂陳萬言行人司行人周鐸河南提學副使呂邦耀吏科給
事中姚宗文學使黃汝亨掌河南道事監察御史房壯麗等爲
書釋文於後而勒諸石摩訶菴僧性宏嵌之金剛殿壁迄今字
畫完好其西爲法藏菴摩訶菴之別院也僧無鉉所創無鉉善琴
今名永慶禪林內有碑二皆按察副使劉效祖撰嘉靖戊申立

寺院
冊

慈育院在阜成門外西十里莊

舊傳碧霞元君廟康熙四十六年奉

敕修建改今名乾隆十五年重修有碑侍讀學士王際華撰舊聞考九

七十

定慧寺亦在十里莊

寺爲明刹初名善法後改名雲惠

本朝康熙四十一年

賜名定慧寺內有碑三一萬厯二十七年修撰翁正春撰一正德

六年大學士梁儲撰一康熙五十一年侍講學士勵廷儀撰寺

西有延甯菴

寺院册 藤陰雜記延甯菴荒利也園希軒學士銘布默坐菴中而逝卽葬菴側朱石君尙書珪表

墓周編修永年作傳勒石菴右祠堂學士曾以田四百餘畝施諸戒壇亦建祠祀門下士劉鴻臚謂作記傳學士早入詞林年

未五十引疾不仕性耽禪悅恆信宿蕭寺鴻臚刻其遺集并懼延甯小刹久而就湮復勒石戒壇名勝地以期不朽其風義有

不可及者又十里莊西半邊店有報誠寺普同菴又田邨有靈威觀

音菴寶峯菴俱明利也惟寶峯菴有正德十二年梁儲撰碑

考九十七

顯應寺在阜成門外香山鄉黃邨

寺爲明保明寺舊址一僞皇姑寺寺院册燕都游覽志保明

征不聽後復辟念之封爲御妹建寺賜額藏天順手敕三道有

人司戶人不易入野獲編皇姑寺在京城西山不知所始嘉

靖六年丁亥上諭輔臣楊一清曰前有旨下都謂尼僧與僧道

不同而尼僧寺亦與僧寺道觀又不同今因桂萼奏毀尼寺已

行下矣今若皇姑寺仍留是不去其根也乃旨出之後三四日

不知何人哀奏兩宮皇伯母見論以皇姑爲孝宗所建似不可

毀聖母亦以孝宗爲言蓋小人進禍福之言故兩宮一時傳諭

次日聖母又諭欲建一寺即將此寺與我亦好蓋此寺乃皇親

內官供給信施又下輔臣楊一清等曰慈訓兩願宜即順命但恐

情既而聖諭又下輔臣楊一清等曰慈訓兩願宜即順命但恐

惡須去本方免後患今將此寺房留與無歸尼僧暫住止著終

身不許復引其類其祖宗所賜敕額追回此旨既下其後因循

至今又入十年矣彼時上又密諭閣臣云朕又將有議此時額

名之意并告卿知夫順天保明者明是我朝國號此言尼僧之

祖能順聖祖奉天開極此惟皇天命之何待後日以一妖尼能

保我明也哉又云皇姑者尤不好聽言我皇家之姑也當時此

寺云敕賜不云敕建便可見非祖宗本意也故朕深嫉之觀世宗屢諭不特明斷事理且曲盡人情實錄中僅載一二語不能如此詳明不知述史者何所諱也 康熙五十八年因寺舊基修建門額曰

敕建顯應寺寺內天王殿亦有顯應寺三字額爲

聖祖御書又

御製碑文清漢書各勒石立老祖殿前詹事府左春坊左庶子兼翰林院侍讀王圖炳奉

敕書觀音殿外有明碑二右仆爲明時重修皇姑寺記無撰人姓名左爲敕諭蠲免糧稅碑宏治十二年六月立其寺右有呂氏

瑩卽保明寺女僧呂姑也

寺院冊

雙林寺在阜成門外二里溝

寺建於明萬厯初佛殿三重前二重僧眾居之後殿奉瑪哈噶拉佛以處西域番僧別闢門於寺左側其殿壁繪西番諸變相

舊聞考九十七 六研齋筆記梵僧索諾木納木結能為漢音
詰其西來踐歷蹤由云其國名卓哈近高昌出家法藏寺本月
天元時甘露梵王利東行九萬餘里始達五臺山逢御馬監太
監劉潤引至北京雙林寺住萬曆三十年明肅皇太后命住萬
壽菴又三年番經廠太監張貴引奏命住雙林寺賜紫衣寶
冠命西經廠掌壇教授中貴又賜織金禪衣金段膳盒等物有
萬曆四年碑工部右侍郎王槐撰 寺院册 碑云西直門外有
先寓天甯寺次詣此見地勢靈秀松茂張蓋迷憩息松下結跏
趺坐耳環手鉢兒若達摩曰吾西竺南印土方僧游化中國耳
遂留受供其後一月不食默持誦密咒闍於慈聖皇太后帝賜
織金禪衣錢錠日齋僧仍賜酥油燃燈師齋日滿期即欲辭
去曰此菴未足以緩佛聖建一大寺奉三寶是吾之屬也寺前
為山門金剛殿鐘鼓二樓天王殿宇中為佛殿左右伽藍護法
後為方丈左右齋堂禪室兩側廚庫僧房其後疊土石為山高
可丈餘上為明陽洞左肅右樹羣卉叢萃凡寺之所有者無不
備矣工始於二月之春落成於八月之秋 其寺東舊有興教寺
命名雙林萬曆四年歲次丙子孟秋之吉
寺廢惟餘仆碑二一列敘部劄為正德間刻石者一成化敕旨
碑 寺院册 碑云寺在西直門外太監王助存日曠宛平縣民
黃昇等地修建以為祝釐之所其界東至義道南至大道西
至觀垣北至河岸又建立寶塔一座於內朕已賜額曰興教今
助已故特賜為大興法王嘉勒幹凌戩焚修之所所曠昇等因

地一頃五十八畝五分該徵種草悉令有司除
餘仍與寺管業成化二十一年六月二十九日

極樂寺在西直門外高梁橋西三里

寺元至元間建明成化中重修有明碑二一無撰人姓名一殿

嵩撰皆嘉靖年立寺最幽邃長河蔭前高阜倚後東有國花堂

西有勺亭

洪亮吉極樂寺看荷花序

乾隆時多荷花詩人游屐最盛今荷花

零落池亦淤淺惟海棠數十株暮春三月拆苞吐馥豔如頰霞

嬌如晴雪夕陽萬點盡收其中間以丁香糝糝碎紫城西一勝

地也其寺西有雲通觀雲林寺靈通觀有明天啟三年葉向高

撰碑雲林寺後僧塔一上有石刻云臨濟正宗三十四世開山

建雲林堂雲浪和尚塔弟子寶證立

寺院冊

大慧寺在西直門外畏吾邨

明正德癸酉太監張雄建賜額大慧并護敕勒於碑有大悲殿

重簷架之中箇銅爲佛像高五丈土人遂評爲大佛寺

成德澤水亭雜

識 龔景瀚游大慧寺記余客居京師無事閒從友人薄游京城之外而環城之四野往往有佛寺宏闊壯麗奇偉不可勝計詢之皆閩人之葬地也閩人既卜葬於此乃更創立大寺於其旁使浮屠者居之以爲其守塚之人而其內又必請於中朝之貴人自公輔以上有名當世者爲文而刻石以記之出西直門過高梁之橋西北行三里許其地爲宛平香山之畏吾邨有寺曰大慧自遠瞻之高出松栢之表其中堂有大佛長五丈餘土人亦呼爲大佛寺云蓋明正德中司禮監太監張雄之所建也寺後積土成阜累石爲山山阜之峻下視平地殆數仞其石皆自吳之震澤舟載而輿致焉山石嵌空巉巖登其石罅以望遠內見外外不知有內寺左建佑聖觀而於土阜高平之處建眞武祠大學士李東陽爲文立石祠門之外蓋當是時世宗方尙道術閩人懼其寺之一旦毀爲道院也故立道家之神祠於佛寺之中而藉祠以存寺寺之西墳壤疊疊石人石獸巍然夾侍於前大抵雄族親之塚也夫彼其使中朝之貴人爲文固若挾之以不得不得而勢而彼貴人者亦遂俛首下氣承之以不敢不作之心天下未有不相知而可以挾之使必然者原其利必自中朝之貴人而與宦寺有相知之舊夫以中朝之貴人而與宦寺有相知之舊則彼其所以爲貴人者未必不出於宦寺之推引自我得之而何畏乎彼推引不出於宦寺而甚畏宦寺則是惟恐宦寺之能爲禍福於我此孔子之所謂患得而患失也爲人臣而患得患失則其歸且將無所不至且使患得而果可

以得之患失而果可以無失吾亦安得而使其不患乃患得患失矣而得失之權卒不可以操之自我我自得其爲我而何必交歡於宦寺此余之三復碑乾隆二十二年重修寺舊有明李文不能不爲之長歎者也

東陽撰碑久無存寺之左又舊有佑聖觀寺後有真武祠寺院冊

淶水亭雜識嘉靖中太監麥某提督東廠於寺左增蓋佑聖觀蓋是時世宗方信道士而厭縉流內官惟恐寺剝之毀故建道觀於其旁而寺後之山又有真武祠藉此以存寺也大學士李本撰碑記萬厯壬辰禮部尙書王錫爵又撰記今觀碑記無一存其在白石橋西爲朝眞觀明建成化間碑二皆都察院左都御史溫陽李賓撰萬厯四十三年碑一刑部雲南清吏司主事

王文邁撰康熙三十三年重修碑一太常卿勵杜訥撰又西有延慶寺內有明正德年間敕諭碑二崇禎癸未重修碑一翰林院侍講孫從慶撰又三笑菴明代舊刹

本朝重加修葺過此卽麥莊橋延壽菴在巴溝邨亦明代舊刹重修者也三教菴在萬泉莊有崇禎十五年開山住持鎮叢立碑

一編修朱大麟撰又循高粱橋石道行西有五聖菴康熙四十二年重修有府尹錢晉錫碑僧同和碑北有佑國元聖廟又天仙廟殿前有萬厯癸巳布政使左參政董文宗碑康熙八年尙書龔鼎孳碑殿後有萬厯間尙書余繼登撰天仙聖母感應碑寺院冊碑云都城西直關外高粱橋天仙廟厥居形勝厥位面陽重修於嘉靖辛酉迄今三十餘禩今上踐阼之十九年辛卯八月禾甯宮端竢生皇五子明年壬辰夏患疾疹戔告於天仙祈默佑甫浹旬遂瘳感神申緩計葺新之命官鳩工聚材卜吉經始不踰時而告竣

昌運宮明太監張永建也在西直門西廣源園橋之南

初名混元靈應宮建於正德六年至萬厯四十四年重修督修者太監林潮也工竣更名天禧昌運宮殿宇七重松栝二十三株柏二十株大皆合圍夾以雜樹上枝干霄下陰蔽地有二碑築亭覆之一爲敕建碑一爲大學士李東陽撰文楊廷和書英

國公張懋業額俱正德七年立又一碑萬厯中立副使劉效祖

撰

魏坤倚晴閣雜抄

本朝乾隆三十四年

敕修門內爲元天聖境有鐘鼓樓功曹殿中爲元天玉虛寶殿後爲神霄延壽寶殿最後爲玉霄上穹寶殿殿前立

高宗御製詩碑二右國書左漢書西半里爲興勝菴土人目爲松林今松無復存者萬厯中所建也後有藏經閣可眺西山東北有果園園中有亭曰衆芳亭北砌石爲流觴曲水其東有閣曰明遠春月桃杏雜發登閣望之不異錦城花海也

人海記

今果園

已蕪閣亦圯毀惟萬厯中二碑尙存

寺院冊

碧霞元君廟在藍靛廠

長河夢莊橋之西爲長春橋度橋爲廣仁宮供碧霞元君舊名

護國洪慈宮俗稱西頂康熙五十一年改今名殿前恭立

聖祖御製碑文宮門坊楔左右各一殿內明碑二一敕諭碑一朱
延禧護國洪慈宮碑

本朝碑一

欽賜學生內官學教習徐珽撰碑

寺院冊

廣通寺在高梁橋西北

寺為元法王寺之別院至元間建明嘉靖己未太監黃錦重建

之

嘉靖明徐階重
修寺碑略

崇基若岡累級而上寺門前繚以短垣寺四角

有高樓可以眺望亦春遊一勝地

燕都遊覽志

內有二碑皆嘉靖中

大學士華亭徐階所撰餘姚李本書成國公朱希忠篆額

涿水亭集

歲

本朝康熙年間僧寶資修治

寺院冊

余兆晟重修廣通寺碑都
城西直門外乾隅有寺原名法王乃

元至元間僧貴吉祥所建爲三藏法師默克沙實學宏法道場
歷今四百年中經興廢詳載明大學士徐階碑記寺基塋爽左
列雄傑右環西山而玉泉之分流禁藥者穿林激碧沿潤寺
門九衢塵土之外忽標清境焉康熙四十四年癸未冬延禧
宮隨蹕過此憫其傾圯傳命禪師寶資移錫寺中議興復
之舉師勸善鳩工十歷寒暑成無量壽佛殿三楹前爲天王殿
後爲大雄寶殿左右環以十八阿羅漢再後爲方丈各二十七
楹爲禪堂爲齋堂廚庫山門左偏復建茶房五間隆冬盛夏設
茶湯以給行者康熙五十一年三月十八日蒙御書廣通寺
額天章彪炳與奎壁同輝用勒石以誌勝因云康熙五十一年
歲次壬辰雍正十一年七月建

發帑重修殿前恭立

世宗御製廣通禪寺碑文寺南爲觀音菴舊名海潮菴卽巡河廠

舊址也

寺院冊

潘涓民重修海潮菴碑高粱橋之海潮菴一

橋梁園圃亭臺池沼無不備具左瞻北闕之祥光右挹西山之

爽氣碧水盈前茂林環後春則舉目皆深紅嫩綠夏則當筵多

出水芙蓉蒨秋冬之交則丹楓映日翠荇牽風雁落平沙臨浮淺

渚至於斯者靡不心曠神怡且凡欲登眺西山之勝率以此爲

第一洗歲久頽廢焚修釋子通忠者四顧慨然於是廣募十方

煥然改觀工既竣屬記於
余是為記萬厯丙辰孟夏

慈獻寺在廣通寺西

相傳為明代舊刹乾隆年間重修壽安寺又在慈獻寺西舊為

萬壽隆昌寺後改今名

舊聞考
九十九

青塔禪院在馬家口西

院亦舊刹

本朝重加修葺正殿後三塔並峙旁二塔為普同塔中為大懺禪

師塔銘僧湛佑撰

寺院冊 塔銘云青塔大懺禪師諱行敏不
知何許人未辨姓氏聞師家居時夜夢梵僧

指示遂出家編染後徧訪知識始謁覺浪和尚於江左次參萬
池老人於龍池未幾口夏命居第一座晚抵燕都隱青塔者二
十年終歲閉戶會不知有門外事報緣已盡示寂於康熙二十
三年二月十九日葬於城西之西邨其弟子超秀過吾室索塔
銘語合掌為之銘曰生本無生滅亦非滅無生昆邪結舌
空谷之聲空堂暫歇吾師真常松風水月康熙二十五年秋七
月院東有龍翔寺亦明刹鐘一有傳臨濟正宗磬山下弟六世

孫住龍翔寺實誠等字

寺院

覺生寺雍正十一年

敕建也在曾家莊

殿前立

世宗御製文碑碑陰泐乾隆二十九年

高宗御製詩鐘樓前立

高宗御製大鐘歌碑鐘爲明永樂間鑄萬厯間從漢經廠移置萬壽寺乾隆八年奉

命移置茲寺曾家莊路北有關帝廟建置莫詳又九華菴在小泥窪菴後爲養老堂乃募緣養老疾者又藥王廟在皇莊距南海淀二里許皇莊爲明代俗偶相沿至今也廟係舊址乾隆三十

七年重修

寺院

清楚寺在南海淀

未詳所始乾隆二年

頒賜藏經全部

舊聞考

其相近者有永通寺明嘉靖年間敕賜寺名

碑一又徐階撰重修碑一又天仙廟有明隆慶六年碑沈淵撰
又真武廟舊爲三官廟

本朝重加修葺又白衣觀音菴有康熙六十一年重修碑又三聖
菴有雍正十一年重修碑南海淀之東有保福寺寺後塔一石
刻云欽依內經廠提督僧錄司左善世兼大興隆寺仍兼大聖
壽寺開山顯公禪師靈塔又正德十一年諭祭僧文顯碑又東
柳邨有長壽寺觀音菴並有明鐫鐘磬等當爲明所建也又陳
府邨有太平菴相傳菴係舊刹

本朝重加修葺

寺院冊

慧福寺在

圓明園宮門左

寺舊名清芳菴雍正年間

賜額慧福土人亦稱關帝廟以寺內供關帝像也又有善緣菴傳
係舊刹

本朝重修其西有泰山聖母廟稱娘娘廟康熙年建寺院冊

大樹菴康熙年間

敕建也在華家屯

其門額曰

敕建大樹菴

聖祖御書也以有前大樹菴此稱後大樹菴

寺院冊 舊聞考前
大樹菴相傳有古柳

一株今無存 東有觀音菴亦

本朝建立也又

圓明園西北門外蕭家河橋西有延福禪林傳係舊刹重加修葺

又地藏菴又樹莊有五聖菴觀音寺皆明刹也

寺院冊

三聖菴亦

本朝建立也在

長春園大北門外前營

園東北設鑲白旗護軍營房故其地有前營之稱其在安河橋者爲正紅旗營房亦有三聖菴乾隆元年立又三官廟有乾隆二十九年碑住持僧承靜立又達官卹有觀音菴或傳將軍廟以殿內觀音大士像左右有石像刻爲將軍侍立之狀也石像不知所始殿前有乾隆五年碑一無撰人姓名

寺院冊

功德寺初名護聖元刹也在食山北五里青龍橋西

元文宗天厯二年五月以儲慶司所貯金三十錠銀百錠建大

承天護聖寺

元文宗紀 元后妃傳布達實哩皇后以銀五萬兩助建大承天護聖寺

元統元年奉

文宗及太皇太后御容於寺中至正初寺燬於火

寺院冊 李稷傳至正

初大承天護聖寺火有旨更作李稷言水旱相仍公私俱乏不宜妄興大役其議遂寢

十三年復賜鈔詔

修

順帝紀

明宣德二年修正殿及方丈凡七進基皆九撰擬掖庭

制度費數十萬緡宣德十年宣廟西郊省斂駐蹕於寺因留輦

仗寺中自後遂爲駐蹕之所嘉靖中世廟謁景皇帝陵有司以

金山口路隘鑿闊數十尺識者謂此功德寺白虎口也虎口張

將不利於寺旣而上駐輦寺中膳罷周行廊廡見金剛像猶惡

心忽悸而怒因以宮殿僭踰坐僧罪撤去之寺遂廢

長安客話

前有

古臺三相傳元主行樂更衣處或曰此看花釣魚臺也寺極壯

麗中立二穹碑其一宣宗章皇帝御製建寺文其一元舊物番

字莫能讀也毘盧閣崇可數尋憑闌而眺一寺之勝皆在目前

冊寺院

本朝乾隆三十五年

敕修殿前恭立

高宗御製重修功德寺碑記

御製辛卯仲夏拈香題句殿後有亭中設鑲木七級浮圖每級皆

供佛像其下層爲銅佛其元明舊碑俱無存者惟木毬在焉寺

冊帝京景物略寺初興時板菴禪師能役是毬毬大如斗不

經而走逢人躍擊地如首稽即入侯門戚里募金人僱大毬使

者及寺廢後寺僧供木毬於破屋間按木毬使者寺側舊有

襲聞咸通中正覺禪師執事傳會其說近於荒唐

松林菴久廢菴西卽至金山口又青龍橋側有慈恩寺依山傍

巖山腰有閣前臨一鏡隄柳溪流雜以畦畛叢翠之中隱見邨

落河雪明萬厯甲午聖母出內帑遣慈甯宮近侍御馬監太監

陳儒督建有趙志皋敕賜寺碑慈恩寺東有塔院有僧塔一石刻云敕建大護國慈壽寺開山第一代住持古風禪師靈塔又萬厯甲午趙志皋撰碑寺院冊碑云古風禪師保定府新寶藏和尚嘉靖三十四年住持普安禪寺隆慶又橋南里許爲丙子造大護國慈壽寺寶塔工竣入院焚修西方菴東望據湖梵宇雖不雄偉而極精嚴稍南爲三元寺甚隘而頗饒水木之勝山行雜記今爲七聖菴又橋東經石山有妙應寺明成化間助緣檀越碑一

本朝乾隆十五年重修碑一妙應寺山頂有碣房一座又亭一舊聞考

寶藏寺在金山口

宣德九年掌御馬監王貴修爲西域僧道深建入門二里許披宿莽陳根而行上石磴爲天王殿再百步上石磴爲寶藏殿殿

石棧凡五轉每轉可二丈餘棧盡爲臺臺有觀音殿初名蒼雪

菴後改今名

山行雜記

妙喜寺在

靜明園西宮門外迤北

寺未詳所始寺西爲香露寺又西爲普通寺其南爲妙雲寺則皆乾隆年間

敕建也又園東北有七聖菴西北有淨安寺舊爲西林禪寺已圯寺後瓦礫中有明碑一禮部尙書毘陵胡澹撰景泰元年立碑稱寺左右菩提舍利寶塔二座後又有延壽寶塔一座今僅存塔址耳又在四王府南爲三教寺康熙三十三年重修大學士

李天馥撰碑記

寺院

天仙菴在四王府東北一里許普陀山

乾隆十二年

敕建有

敕建碑菴之西卽普菴塔院有乾隆二十一年碑住持僧照祿立

院西數十武爲普菴塔塔制八觚門南向內供普菴菩薩像座

前有橫石廣二尺餘高尺餘刻嵩雲洞三字後有正德辛未秋

八月七字可辨寺院冊

十方普覺寺雍正年間怡賢親王修建也在玉泉山西南

寺跡於唐名兜率謹据元名昭孝寺院冊元英宗紀英宗

寺給鈔千萬貫十月命拜珠督造壽安山寺文宗紀至順二

年正月以晉邸部民劉元良等二萬四千餘戶隸壽安山大昭

孝寺爲後曰洪慶曰壽安据明憲宗如來寶塔銘按壽安春

永業戶長安可游記謂壽安以山得名也考明憲宗壽安寺如來寶塔

銘碑傳壽安山不甚高有寺曰壽安禪寺唐名兜率後改名昭

亦以泉勝層巖夾道木石散置可游可坐兩殿各臥一佛長可丈餘其一滲金甚精寺內娑羅樹二株子如橡栗可療心疾門西有石盤方廣數丈高亦稱是上剎觀音堂周以欄楯石盤下有小竇出泉淙淙琤琤下擊石底聽之泠然寺多牡丹蓋中官所植取以上供長安俗傳臥佛寺寺院冊憲宗時造長安可游記銅像按元史英宗至治三年十二月治銅五十萬斤作壽安山寺佛像則銅像雖傳成化時造而碑無明文安知非治銅五十萬斤所鑄耶
國朝怡親王洎嗣王宏皎宏曉捨資葺治雍正十二年

世宗改賜今名竝製文立碑殿前寺內明碑六一胡澐撰壽安禪

寺記一檀越題名記皆景泰三年立一明憲宗壽安寺如來寶

塔銘一敕諭碑皆成化十八年立一嘉靖三十五年重修記一

萬厯十四年神宗御撰壽安寺碑其山門舊塔久圯寺院冊舊聞考成

化壬寅其東舊有普福菴俗評小紅門久廢由臥佛寺殿右側出

小門西數十步有巨石突立高可三丈鑿石爲磴以上爲觀音

堂

山行雜記

殿前娑羅樹二株西有泉注於池池上有石如碧玉

寺

相傳

建明夢松錄娑羅樹來自西域今已大三圍矣

堂建於大盤石上閣左爲

山廟廟旁有嘉靖辛丑重修水漕碑記

景物略

又西半里許度橋

爲隆教寺

寺院冊

成化庚子香山之原廓舊庵作寺賜名隆教陞

右覺義本諒右講經俾主寺事寺距京城三十里許與壽安寺

相望寺主濟舟禪師者精於法華楞嚴之祕爲一方禪宗諒往

學其門乃卽兜率寺址作菴其旁朝夕講演甚衆

舊聞考一百二

寺內

明碑二一成化六年敕諭碑一成化二十二年碑泉從寺前度

泝泉行三里上嶺爲五華寺本古刹明宣德初僧成公東洲祥

師見其地徑幽僻山水環繞遂卓錫於此正統七年建成化五

年落成

山行雜記

一名廣惠寺內有明嘉靖十一年倪讓撰碑又康

熙二十五年世襲一等子加一雲騎尉張朝午撰碑下嶺復循
水行再登一嶺爲廣泉寺循故道下復上得圓通菴其右爲太
和菴泉水源於此一方亭據其上傍泉多烏桕文杏度泉有烏
道行三里許爲普濟廢寺山行雜記遺址尙存有斷碑一明正統十
一年僧道深撰又寺東有尊勝塔廢址塔建於正統八年寺西
山徑之旁盤石側立高廣各丈餘下有清泉深不盈尺廣尺餘
宋彥山行雜記稱一石如鉢水冬夏不涸者當卽此也寺院冊其
在臥佛寺西南爲廣應寺內有白松築踞其下望見香山碧雲
諸寺寺西爲木蘭陀有玉皇廟殿側有滿井水可手掬西山山
頂之井廣泉寺與此爲二甘冽似中泠谷中淪茗取給二井天府
廣記舊聞考井旁石厓上本廟住持全眞
龔大川勒記於上後有萬曆四十八年等字
有天啟元年中書
袁志學撰碑又晉覺寺西萬華山碧霞元君廟有

本朝碑一進士李枝長撰又天寶山七聖廟有乾隆十年林杲撰重修碑一廟右爲過街塔塔踞山巔下爲城關以通行旅關上建平臺中爲塔方基約高三尺許中層圓上銳下四面佛像各一尊上層圓下銳上以白玉石爲頂塔左有關帝祠右有藥王廟又茶棚菴山神廟皆雍正七年建也

寺院

實勝寺乾隆十四年

敕建也在

靜宜園西演武廳西北

寺卽鮑家寺遺址舊傳表忠寺明剎乾隆己巳大學士忠勇公傅恆金川功成因

命就舊寺葺新之名曰實勝并立健銳雲梯營建屋於寺之左右居之殿前立

高宗御製寶勝寺記乾隆己巳製後記乾隆辛巳製碑高丈餘方

廣四面如一刻

國書蒙古漢書梵書四體

寺院冊

寺兩掖石樓屹立青槐百株交蔽

一修衢殿植果松四株枝葉婆娑覆陰無隙地寺下又有勝公寺

石垣周遭若一縣郭其中飛樓相望清渠激戶雜花滿楹

珂雪齋集

又八旗印房之西有白衣觀音菴乾隆十四年建

寺院冊

法華寺順治十四年修建也在

靜宜園西萬安山

寺與法海寺相連屬相傳為宏教寺遺址

寺院冊

香山行雜記

後為萬安山山門上建白塔為宏教禪林
香山南為門頭邨邨宏教寺題壁都城西山宏教寺傳是正德間中貢晏忠所造寺前有潤過潤壘石為門題曰道統門石殿三楹上珠三皇五帝三王像左鑿周召孔孟諸聖賢右鑿周程張朱諸儒像別一石龕以藏五經殿外一石亭壁列鐘虞干戚錢鏐弁裳之屬左龍馬馬毛旋五十五數如河圖右龜龜甲四十五數如洛書東堂

三楹壁立忠臣龍比以下孝子曾閔以下若干人按元史奉定
二年中書省言養給軍民必藉地利世祖建大宜文宏教寺
賜承業當時已號虛費云云今遺迹已無可考觀晏忠祠石像
禮器制度渾樸不類明時工匠所鑿且元於儒釋初無分別疑
寺即宣文宏教之遺址晏忠特從而修飾之爾金華姜應甲詩
云空山石祠堂落穆跨深壑肖像古聖賢高下坐淵漠殿墀列
遊龍如出自河洛煌煌先儒語所為忠孝作性理累百卷題壁
見大略歷覽感無心人傳晏公鑒厥志在尼山高邈得所託愧
哉彼杭施歟血塗丹腹慈谿馮元舒詩云嗚呼晏常侍石室存
道統上象皇帝王其左周召孔朱之四大儒一接其踵義我
殿三楹象皆刻石奉四壁龕者五分標五經總古人所未聞此
是我作俑荷彼何人斯卓哉儒者勇兩君竟以是為忠所鑿矣
祠堂列聖賢象始於文翁踵於趙岐若司隸校尉魯恭荊州刺
史李剛從事掾武梁祠皆有之不得云作俑也舊聞考晏祠
石像禮器順治庚子修建改名前為法海寺門上有小塔門內
今告無考

為關帝殿約半里許為法華寺門內彌勒佛殿殿內有順治十
七年奉

敕示禁碑又一碑勒敬佛二字為

世祖御書賜僧慧樞者碑陰錢歷代佛祖圖又康熙五年碑大學

士衛周祚撰寺後西南爲龍王堂有泉流通僧院舊聞考一百三

梵音寺亦乾隆十四年

敕建也在演武廳西南里許

寺爲永感菴舊址

寺院册王崇簡青箱堂集永感菴俗名新寺

乾隆己巳以建實勝

寺餘材

命飭而新之名曰梵香寺正殿前立乾隆十四年

御製文碑左右各一左

國書蒙古二體右漢字梵書二體寺旁松檜數百株建石敞廳曰

來遠齋後有屋五楹曰含清堂寺後爲長齡寺卽延壽菴舊址

也寺院册余有丁文敏集下香山至延壽菴樓五間高數仞

世廟柄司禮監二十年宜其營建宏敞如此也從延壽菴折而

北又西爲小碧雲寺宣德中太監張某建宣廟賜寺額也

寺已無考

寶諦寺在長齡寺西

乾隆十六年建為滕公寺舊址也寺制仿五臺之菩薩頂寺前

為臺寺院

寶相寺乾隆二十七年

敕建在寶諦寺西北

中峯上向有中峯菴寺其舊址也舊聞考一百三 宋彥山行

滕公寺今寶諦寺建於滕公寺舊址稍西北為寶相寺再稍西
北為方廟圓廟二廟之間有隙地俗稱四方園合前後左右地
形揆之疑即中峯菴舊址 帝京景物略中峯在香山之後以其居
階址徑磴可枕藉臥 春明夢餘錄中峯在香山之後以其居
諸峯之中故曰中峯 寺建於乾隆壬午春迄丁亥春葺工先是
巖危磴而上有菴

辛巳歲為

聖母祝釐幸五臺詣殊像寺歸後寫殊像寺文殊像並系以贊於

香山南麓寶諦寺右度隙地

命建茲寺肖像其中寺成名曰寶相

謹据御碑

殿制內方外圓皆贅

暨而成不施木植四面設龕門殿前

御書額曰旭華之閣殿內碑二左碑爲

御寫文殊像竝贊碑陰爲乾隆三十二年

御製詩右爲乾隆二十七年

御製寶相寺碑文寺稍西有圓廟方廟其制皆平頂有堞如八旗

印房四隅礪房之式中建佛樓亦乾隆二十七年建也

舊聞考一百三

山行雜記所稱中峯下龍泉禪寺以地里揆之應距方廟圓廟不遠

香山南門頭邨爲西山門

徑有朝陽菴明刹又有十方院爲施茶濟渴之所有崇禎己巳

年彭應乾撰碑又有康熙六十年碑無撰人姓名寶相寺南一

里許有崇壽寺爲永峯菴遺址成化元年鼎建敕賜名內明碑

二一成化辛卯孫天濟撰一置田碑成化丁酉順天府尹張伯

禧撰又西一里爲雪峰寺有乾隆三十八年重修碑又西爲昌

化寺建置未詳寺院冊 阮男錫燕山紀游昌化寺殿壁繪阿羅漢五百尊穿崖渡海神通游戲宣廟時吳偉

小仙筆也又門頭邨東小屯邨有西禪寺木曰翠微後敕改今名內

明碑二一爲敕諭碑一大學士蔣冕撰在杏子口有善應寺內

有康熙十年禮部尙書龔鼎孳撰碑寺院冊 碑傳都城之西山名藍勝蹟不可勝考其

規模宏麗表傑出者曰善應寺肇建於明宏治之十有七年歲月既久日就傾頽順治己亥有濟南居士某某矢志捐資缺者補之毀者飾之迄今十有餘載而風規如故舊聞考余有丁余文敏集稱善應寺門列天兵十狀極詭異廡下有五百羅

漢今皆無存

香界寺在杏子口

寺舊名平坡寺在翠微山巔一統志謂山半得地差平可寺遂

名平坡景物略蓋元刹也明洪熙元年重建宣德元年落成改名

圓通寺院冊 按李東陽懷麓堂集稱平坡寺元故刹宣德間修之改名圓通余有丁余文敏集稱大圓通寺始於唐至

宣德年重葺因改是額考明一統志偁大圓通寺洪熙元年重建其次年即為宣宗宣德元年寺蓋創於洪熙而成於宣德故懷麓集及余文敏集俱作宣德年間修葺也康熙十七年僧海岫經營鼎建

賜名聖感乾隆十三年

謹据考十三年

御碑

按舊聞考作十四年御製詩已偁香界則當

作十三年矣

發帑重修易名香界殿前碑二左碑恭勒

聖祖御製聖感寺碑文碑陰恭刊前

高宗御製香界寺碑文又一碑泐

聖祖御書敬佛二字竝大悲菩薩像寺之前後殿依山勢為之愈後愈高其居寺之上者為寶珠洞有乾隆十三年

高宗御製詩碑寶珠洞右有龍泉菴亦名龍王堂階下有方池深

五尺餘其西鑿龍口吐水

寺院冊

大悲寺在龍王堂東

舊名隱寂寺康熙五十一年

賜今名其地直圓通翠微之間寺後有餘地遂起大悲閣据明嘉靖碑

殿前有碑二一明嘉靖二十九年立無撰人姓名一

本朝禮部尙書婁東王掞撰碑

寺院册碑云神京之西有環山焉名藍相望而起其間翠微峯之

右麓有古寺曰大悲慧鑑禪師偕印如師入寺住持直樸自守

壬辰額錫金約友萍如師飯僧於五臺山丁酉之夏同登清涼裝伽

藍祖師像供於祕魔厓以衣帽散衆復於湧泉寺飯僧三百補

葺萬佛閣護國寺大殿前石府文殊院并繫茶棚款又翠微山

接朝山往來者余與師爲方外友故特爲之記云

舊有勝水寺册下臨澗泉閣後一松直而多蔭松後石窟夏

月陰涼坐久毛髮盡豎燕山紀游寺久廢存僧塔一前有康熙年間

僧海愍撰勝水漢萍禪師塔銘碑高士奇書相近又一僧塔八

稜七級在姚家寺遺址之右其東南霧明菴原名普照寺存嘉

靖四十二年銅鐘一菴西有嘉禧寺松檜夾徑里許始入寺存

有正統九年銅鐘一由今法海寺循山址而南爲盧師山舊有
盧師寺始自隋仁壽中元曰大天源延聖寺明曰清涼寺今廢
僅存塔一八稜七級有石刻天順四年重修寶塔等字

寺院冊元泰

定帝紀泰定三年二月建顯宗神御殿於盧師寺賜額曰大天源延聖寺其東有證果寺唐爲感應

寺明景泰間曰鎮海天順間改今名明碑三一在祕魔厓洞口

僧南浦撰景泰五年立其二在寺內後殿皆明禮部尙書姚夔

撰成化五年立

寺院冊王直王文本端集傳祕魔厓池前有小殿順天尹李執中創以祀神者今小殿已廢惟

厓洞內右洞有盧師像旁侍二童子卽大小青也左洞有真武像

靈光寺在平坡寺下

舊有寺曰龍泉金世宗大定二年改曰覺山至明宣德三年重修成化十四年命官度材宏廣舊規更今額內明碑三一成化十五年憲宗御製重修碑一世宗御製重修碑一無撰人姓名

皆嘉靖十年立

寺院冊
宗大定二年

舊聞考據明成化間碑靈光寺金世
賜名覺山則此寺即覺山寺舊址

又西有翠微寺寺後有塔十層八稜俗稱畫像千佛塔繞塔基
有鐵鐙龕十六座翠微山東北有承恩寺明正德八年建賜名
寺內明碑二一正德八年敕諭碑一正德十年李東陽撰碑法
海寺在承恩寺南正統己未敕建并賜名宏治甲子重修明碑
三一王直撰一切深撰皆正德八年立一爲重修記劉機撰正
德丙寅立佛幢二左幢刻佛頂尊勝陀羅尼咒明金臺大夫李
福建正統四年立右幢刻佛號及三寶施食文亦李福撰正統
六年立又高井村有翠雲菴淨德寺內有明朝列大夫邵文恩
撰碑嘉靖己丑年立王槐撰碑一萬厓丁丑年立

寺院冊

香盤寺舊名雙泉寺金刹也在雙泉山

雙泉寺金章宗明昌五年詣其寺潛暑寺有雙泉因而得名即

建祈福寶塔於寺北至明成化五年十月賜名香盤禪林宣德二年十二月奉旨與大能仁寺宏善妙智國師爲下院嘉靖元年葺而新之雙泉在今寺右左側塔一高約七丈餘寺內明碑一嘉靖元年立無撰人姓名雙泉山東北黑山卽罕山帝京景物略傳山陽有寺曰靈福曰延壽太監剛鐵墓前寺也鐵從長陵靖難把百斤鐵槍好先登陷陣槍今存寺中鐵本名炳長陵每評以鐵故名今靈福延壽二寺俱廢惟三義廟亦傳護國寺內有明碑五一無撰人姓名嘉靖辛亥立一萬厯元年楊溥撰一萬厯三十五年馮有金撰其二無年月一王家屏撰一徐階撰剛鐵槍尙存木桿云

寺院冊

隆恩寺金刹舊址也在翠峰山磨石口西

金名吳苴寺大定四年秦越公主建明正統間太監王振修之

改名

据帝京景物略

寺前石牌坊一額曰鹿苑叢林寺內有金大定年

間碑一明正統年間碑三字盡皆浸漶不可辨

寺院冊按長安可游記

後大士是唐遺像燕都游覽志傳殿中供器皆大內舊銅物今皆無考

又石徑山舊有金閣寺

冊燕山紀游石徑山孤峯特立洞皆鑿石而成最上爲金閣寺有塔宜遠眺

今無其名惟玉皇殿及

迴香殿明碑各一皆許用賓撰勒萬厯天啟年月山巔有塔塔

下南北爲城關南門額外舍利寶塔高約四丈餘四正作方屋

如閣四隅作圓屋如亭內皆塑護塔神像蓋卽金閣寺塔林

冊許用賓重建石景山玉皇殿碑略云自唐武德中建玉皇殿歲久傾圯萬厯甲寅歲修葺乙卯歲告成按山厓間有佛

經石刻故亦名石徑山

棲隱寺古刹遺址明正統間重建也在仰山

寺始於遼

寺院冊按趙孟頫仰山棲隱寺滿禪師道行碑脩寺始建於遼至師爲二十六代則又不自金始矣今

補金大定二十年正月敕建仰山棲隱禪寺命元冥顓公開山

明僧智廣重開仰山自正統丁卯至天順戊寅完工

据明劉定之重修碑

記舊有金章宗詩刻今無存

寺院冊

長安客話載金章宗詩曰金色界中咒率景碧蓮花裏梵

王宮鶴驚清露三更月虎踞疎林萬壑風

其東嶺有尊勝塔元武宗爲滿禪師建在

仰山東嶺今尙存

寺院冊

萬壽寺亦古刹舊址也在馬鞍山

寺肇自唐武德中舊名慧聚至明正統間易名萬壽

燕都游覽志

內戒壇遼咸雍間僧法均建

舊聞考一百五

按明高拱重修寺碑略作遼清寧間僧法均建

壇前遼碑二乾文開直學士王鼎撰大安七年立金碑一開府

儀同三司致仕韓昉撰天德四年立又已泐遼碑一起復知樞

密院直學士虞仲文撰建福元年立已泐金碑一翰林直學士

施宜生撰貞元三年立此二碑今寺僧猶傳其文而譌脫頗多

明碑一中順大夫毘陵胡濙撰成化九年立寺內明碑三一無

撰人姓名正統七年立一爲成化五年敕諭碑一爲翰林侍讀
東里高拱撰嘉靖三十五年立戒壇之前爲明王殿殿門右石
幢二刻尊勝陀羅尼咒并序右幢題識云大康三年歲次丁巳
奉爲故壇主崇祿大夫守司空傳菩薩戒大師特建法幢門人
傳戒大師講經律論賜紫沙門裕經等立左幢題識云受戒弟
子范陽王鼎撰文太康元年歲在乙卯建階下塔二右塔爲普
賢衣鉢塔左塔石刻云遼故崇祿大夫守司空傳菩薩戒壇主
普賢大師之靈塔明正統十三年中秋日築壇如幻道乎建舊
考一壇後爲千佛閣閣前古松四枝覆蓋一院閣俯眺渾河正
百五曲句其三面如玦然閣之下如幻安禪處其遺衣鉢藏焉山門

內立

御製萬壽寺碑記

高宗御製初至戒臺詩千佛閣前有

高宗御題活動松詩寺南半里許有觀音寺寺側爲伏虎巖有道

孚塔又西峰寺古刹明正統三年修建賜額曰西峰禪林

寺院冊

公廩間次齋稿自戒壇至西峰寺山門有泉最冽

西峰寺後東北有塔一共六層高三

丈許額曰鞍山故俊公和尚之塔塔北有池池左有地藏殿又

石幢一題識云大都鞍山慧聚禪寺月泉新公長老塔銘至元

二十八年建寺內明碑四一檢討嚴素撰正統四年立一禮科

給事中王之垣撰一爲助緣人姓名一無撰人姓名正統三年

立

寺院冊

岫雲寺卽潭柘古寺也在馬鞍山之西

晉曰嘉福寺唐曰龍泉寺舊志謂有柘干章今無矣燕人諺曰

先有潭柘後有幽州此寺之最古也金皇統間爲大萬壽寺至

明正統間名潭柘嘉福寺

据明謝遷碑記

猴山集潭柘以一

鵬工絕金元時故物也

舊聞考殿鵬今已

無存又寺內枯柘木僅四尺許在三聖殿側

敕修

賜名岫雲禪寺寺門外牌樓南北向有額曰翠嶂丹泉曰香林淨

土大門大殿彌陀殿栴檀佛樓三聖殿毘羅閣圓通殿楞嚴壇

大悲壇觀音殿延清閣流盃亭皆清幽絕勝寺內又敬藏

高宗御筆心經竝

駐蹕潭柘岫雲寺作及山水小景寺僧敬謹匣藏其大殿內木匣

方廣二尺高三寸餘相傳爲大青小青所藏處也

舊聞考一百五王同軌

耳談寺殿中二蛇長五尺餘名大青小青藏紅篋中篋標護法

龍王蛇無定止或自逸野中鳴鐘則至恆白篋穿鏤足交蟠供

上觀音殿有元妙嚴公主像并拜輒雙趺隱然幾透輒背相傳
妙嚴公主爲元世祖女削髮居此日禮觀音不輟遂留此迹萬

厯壬辰孝定太后欲經懿覽貯以花梨木匣迎入大內後復送

歸寺紫柏禪師語錄又寺內舊有金元碑皆無存舊聞考略金碑二帝京景物

僧重王記大定十三年楊節度記元碑二至正八年葛天麟記至正某年危素記今有明碑三一正德

六年禮部尙書謝遷撰一萬厯三十三年檢討邱禾實撰一萬

厯壬辰年送龍子歸潭柘文僧達觀撰寺院册謝遷重修潭

西二舍許馬鞍山之西有泉匯而爲潭土宜柘木因以得名在

後唐時有從實禪師與其徒千人講法於此後遂示寂於華嚴

祖堂皇統間改爲大萬壽寺繼有廣慧通理者以正法眼而踵

實師之迹後得此耶善誨獻其寺之故地成大道場山靈益加

顯焉其詳見大定間蔡居士楊節度之碑可考已我朝宣宗章

皇帝即位二年特命高僧觀宗師住持於此孝誠皇后首賜內

帑之儲造殿宇越靖王又建延壽塔英宗睿皇帝詔爲廣善
戒壇頒大藏經五千卷并賜今額迄今五甲子矣工興於正統
二年三月次
年九月告成

本朝碑二一康熙四十九年在平縣知縣錢唐吳陳琰撰蓮池記

寺院册記云都城西北潭柘寺自元毀於火重飭於明今
上臨幸是山發帑重建賜名岫雲寺一時縉流雲集諸父老

復浚池種蓮其中爲蓮池大會講大彌陀經五十一
四部藏於寺門外立相風俾瞻禮者望而生敬 一乾隆年間

直隸總督方觀承撰在寺外之安樂延壽堂又延壽塔高五丈

餘明越靖王瞻墉所建塔後有金釋重玉摩崖詩刻舊聞考一百五距

寺半里許又有塔園僧塔五一曰故廣慧通理禪師之塔一曰

中都潭柘山龍泉寺言禪師塔銘一曰潭源州永安禪寺第一

代歸雲大禪師塔銘一曰中都竹林禪寺第七代奇和尚塔一

曰第九代了公禪師塔銘皆金建也其在寺後東北隅者爲歇

心亭山後二泉一自東來一自西南來匯流於此寺西有龍王

堂堂北別有龍潭方廣丈餘深三尺餘寺院冊間次齋菴寺址本青龍潭上有柘樹

祖師開山青龍
避去潭平爲寺

瑞雲寺古刹也在觀音山菩薩頂下

寺建於隋唐間興廢屢經遂爲名利俗僧百家寺元至正辛未

重修据至正十年僧雪成碑帝京景物略寺即五代時李克

取視賜以龍袂歸又有摩訶祖師法身有摩訶煮石鑄宣宗會

門雪成立按元碑稱寺宇之規模山谷之形勢備諸寺碑則寺內舊碑必多惜俱無可考也其東馬關

山有法幢菴寺院册帝京景物略渡石澗上馬關山折旋左

也菴又妙菴中設大士像又千佛山有顯光寺內有千佛閣又妙

高峰下舊有法雲寺金章宗香水院其址也寺院册珂雪齋集近寺有雙泉鳴

於左右寺門內有方池雙泉交會也至三層殿後乃得泉源西

泉出石罅間經茶堂兩廡繞而下東泉出後山經蔬圃入香

積厨而下會於前之方塘是名香水也金章宗游覽之所凡入院此則香水院也

大覺寺即遼清水院故址也在黑龍潭北十五里

清水院始於遼沿於金地距

圓明園三十餘里王昶金石萃編一百二十五金章宗西山八院此其一也寺

故名靈泉明宣德三年建寺更額大覺据帝京景物略正統間修寺院

明英宗實錄正統十一年三月命
工部右侍郎王佑督工修大覺寺

本朝康熙五十九年

世宗潛邸時特加修葺乾隆十二年

高宗發帑重修寺內龍王堂有遼咸雍四年賜臺山清水院創造

藏經記碑僧志延撰

金石萃編遼地理玉河縣本泉山地劉仁恭於大安山創宮觀師鍊丹羽化之術於

方士王若訥因割薊縣分置以供給之在京西四十里遼之薊縣改名析津今爲大興遼之玉河析宛平地志而云割薊縣者當由兩縣犬牙相錯之地也清水院似在玉河縣地今山左右尚有南安窠北安窠之名或卽遼志所謂大安山之南北也

今正殿前立

世宗御製詩碑碑陰爲

高宗御製重修寺文又明碑一碑陽刻宣宗御製文宣德三年建

碑陰刻英宗御製文正統十一年立其寺旁精舍曰四宜堂爲

世宗御書乾隆間又修寺旁有僧性音塔

按性音住持方丈在康熙五十九年未幾圓寂

其徒建塔於寺側

又黑龍潭西四里許白家灘有開元寺相傳唐開元所建明永樂中西天佛子大通法王智光上師遭際列聖賜予甚厚宣德戊申奉命兼住大覺禪寺往來憩息此地愛其土厚水甘風氣攸萃意圖興辦出己資命工市材建立仍請額爲開元禪寺光治六年重修寺內有明碑二一宏治六年太僕寺少卿李綸撰一宏治十四年僧淨壽撰

寺院冊

宏慈寺元刹遺址也在德勝門外東北

寺共二偈爲前宏慈寺後宏慈寺相去不半里形勢聯屬蓋一寺分爲二者寺在元元統間僧本量募建爲興國禪林明改額

宏慈其前寺乾隆丙申年新修寺內有明顧肇迹宏慈寺碑

舊聞

考一百二 顧肇迹宏慈寺碑略劉公諱聚者於成化中歷多戰功封甯晉伯贈侯謹威勇今提篆右府念世劉公其五世孫也京師德勝門外有古刹遺址發地得石碣蓋元之元統三年興國禪林也劉公信心喜捨鼎建一新奏聞賜名宏慈後復建

大藏經閣貯奉太宗文皇帝所刻大藏尊經今乙亥歲庀材重加修葺乃為之記崇禎八年乙亥年沈荃重修寺碑宏慈寺北有長泰寺俗名火神廟

本朝初年建有碑二無字其舊址不可考鐘樓內銅鐘一明萬厯

己酉年造又傍城臨河有龍王廟去松林間不數十武有明嘉

靖三十七年工部文思院吳廷誥碑寺院冊 吳廷誥重修龍王廟碑記德勝門外隔城

橋梁大道西曰松林間始於神京燕都分墅築城浚池其源自西北玉泉而來左右彎環通流四城濠拱護都畿其水關中流而進滋園蔬潤稼稻山穿市橋入金海同瀾積水聚盈御苑而泛濤旋繞禁城通出朝門貫脈悠麗永保皇都萬年之勝境其勢出接通漕運轉輸民得大便宜舊有龍王廟一區於闕側迺早申禱輒應嘉靖癸卯外冰窖掌廠官呂煥捐資興工修葺甲寅六月復奉敕修理又土城外西北里許有多寶佛塔禪院舊名千佛寺

寺後有浮圖七級題曰華嚴永固普同塔明萬厯乙酉年慈聖

宣文明肅皇太后建寺院冊 趙志皋護國千佛寺編融大師塔院碑慈聖宣文明肅皇太后根盤仙李

華茂金枝賜金百鎰範像千身千佛寺所由建也仍於萬厯十一年遣內官齎白金七十八兩於德勝門土城關外鷹房邨置

地四頃七十八畝有奇於中建立普同大塔一座內列又功德

人十一龜共中一以藏師全身舍利餘以待繼師者

林卽養濟院也明僧元章建局又北極寺明建有正德六年

詳殿

慈度寺

本朝初年建也在功德林東北隅

俗名黑寺以其與雙黃寺同爲喇嘛所居此覆以青瓦故有是

僧殿五層山門天王殿懸慈度寺額爲

聖祖御書

舊聞考一百七

察罕喇嘛廟在慈度寺北

俗評後黑寺蓋與慈度寺先後同建也順治二年察罕喇嘛自

盛京來於正黃旗教場北地址募化創建未有寺名卽以其名

稱之康熙五十二年

御賜無量壽佛二尊供奉大殿寺門前殿有大鐘一口爲明時最勝寺舊物上鑄尊勝楞嚴神咒三十五佛全部金剛經心經正德十年都督同知朱甯造寺院冊

碧霞元君廟在北頂

北頂卽北極寺之東其廟乾隆年間

敕修廟內鑪一明萬厯年造鐘一宣德年造又北頂東南有慈救寺舊名五聖菴在曹八里屯康熙六十年重修殿內鑪一萬厯年造銅鐘一嘉靖年造寺院冊

西紅廟在德勝門外正黃旗教場北

廟爲明代五軍營祀旗纛神處也正德三年太監谷大用所立名旗纛廟今名西紅廟內有明正德三年大學士焦芳撰碑一

寺院冊焦芳五軍營新建旗纛廟記皇上臨御既視太學躬釋奠講經問道修文德以風示天下矣乃以京師武備所繫尤

重而詰爾之戒無虞之警亦不可緩於是於翊衛諸軍營提督
近臣咸擇人易之以供新政而五軍營提督則簡今谷公大用
及魏公彬任焉既受命撫智彈力明號令肅戎伍卹士布政旌
旗軍容咸度而飭至於首事戎靈其祀尤嚴蓋旗者牙旗也黃
帝出軍訣曰牙旗者將軍之精凡始豎牙必祭以剛日靈者旗
頭也太白陰經曰大將軍中營建之天子六軍所用六靈今奉
天子命莅戎事首嚴祀之禮也然秦漢宋以來旗靈雖有祀而
特爲建廟春秋遣官專祀之此我聖祖體萃合天下之道以總
攝兵戎之心蓋萃之至也自永樂遷都於此遂卽營中掃地爲
壇祀之谷公既嚴其事而謂此不足以致潔清而萃神止於是
謀諸魏公卜日爲廟出所蓄金若干以易材木甃石上闢而嘉
之再加賜千金命內官監給物料重門塗朱悅宇金碧光耀奪
目而兵戎之志亦萃於有廟矣又以古法行師旗章載四宿北
方者元武也蓋取天一生水之義故以前殿祀元天上帝而祀
軍牙六靈之神於後又清河有鎮國寺內有明嘉靖碑一張文
敗焉廟成請予爲記

憲撰又距德勝門北三十里有元福宮今已圯殿左有明武宗

神舊同考明武宗元福宮碑略宏治十七年皇考孝宗皇帝
神諭曰御馬監黃土馬房草場乃天壽山居庸關經山通衢適
中之地開其土燥無水居者行者往往病之其擇地鑿井汲水
以濟人用仍修建觀宇一區爲往來棲宿之所明年二月命朝
天宮左演法陳良福住觀焚修工未就緒朕謂此先帝遺志也
不可不終仍命督修改觀爲元福宮遷陳良福爲左至靈兼住

持事其徒陸尙泰爲住持蓋自宏治甲子冬十月始事至今正德乙亥夏五月厥宮告成宮之中爲正殿以奉元武之神前爲左右殿爲龍虎殿爲鐘鼓樓爲內外山門山門之前甃石爲二井南北爲方丈以居道衆緣以垣牆宮旁及前爲營房爲車園店以居牧馬旗軍又給草場地六十頃以供香火琳宮貝宇傑出霄漢輪奐完美丹碧輝映遂爲都城之北一偉觀云

東黃寺喇嘛駐錫所也在安定門外鑲黃旗教場北寺舊爲普靜禪林

國初達賴喇嘛導諸藩歸命順治年來朝謹据乾隆御製黃寺碑文並普靜禪林

齋禮奉

敕就普靜禪林興建俾爲駐錫之所殿前碑亭二東碑爲順治八年大學士甯完我撰西碑爲康熙二十三年

聖祖御製重修記文碑陰則乾隆二十九年

高宗御製普靜禪林瞻禮詩舊聞考

西黃寺在東黃寺西

順治九年以達賴喇嘛綜理黃教肇建茲寺東西二區同垣異構土人稱雙黃寺雍正元年喀爾喀澤卜尊丹胡土克圖暨札薩克王公台吉等集資助佛像寶塔送寺供奉並請以餘資葺而新之乾隆己丑再修有

世宗

高宗御製碑文碑立殿前東西有二碑亭

寺院冊

資福院在雙黃寺西北

康熙六十年澤卜尊丹巴胡土克圖諸蒙古汗王貝勒貝子公台吉塔布囊請於安定門外建十方院爲飯僧所遠至徒衆得有棲止

聖祖俞允之夏六月工竣

賜額曰資福有

御製碑文立大殿院內又碑一乾清門侍衛拉錫撰又安定門外

東五里許有觀音菴菴側有高井一潤百畝四時流溢寺院冊

景物略謂安定門外循古濠而東五里有滿井井面五尺殊不相類惟德勝門外東廡房邨有脩爲滿井者廣可丈餘載筆者或以相去不遠方名又龍到邨有華藏寺內有萬厯八年劉禹

謨撰重修碑

天主堂在宣武門左

明萬厯二十八年建內設耶穌像寺院冊春明夢餘錄天主

瑪竇自歐羅巴航海九萬里入中國崇奉天主所畫天主乃一

小兒婦人抱之曰天母其手臂耳鼻皆隆起儼然如生人所印

書冊皆以白紅一面反覆印之字皆旁行其書裴法如宋板式

外以漆革護之外用金銀屈成鉤絡所製有簡平儀龍尾車沙

漏遠鏡候鐘天琴之屬舊曝雜記天主堂在宣武門內欽天

監正西洋人劉松齡高慎思等所居也堂之爲屋闔而穹如城

門洞而明爽異常所供天主如美少年名耶穌彼中聖人也像

繪於壁而突出如離立不著壁者堂之旁有觀星臺列架以貯

千里鏡毛奇齡西教入中國錄西教者大西洋國十字架架耶

遂以此名其徒利瑪竇於明萬厯間由廣東入中國漸入留都
高論驚人且出其製自鳴鐘千里鏡諸品示人則大驚號為西
儒留都禮部遂咨送北京大宗伯馮琦亟傳之乃言大統厯有
差作修厯局以居之既而建天主堂於宣武門內設耶穌及其聖
母像於堂耶穌手執渾天儀聖母手抱一兒即耶穌也其曰天
主者謂耶穌能主天事也嗣後外州縣亦多設天主堂按自
咸豐十一年通商以來天主堂之設不止一處
或傳耶穌堂並為傳教之所茲錄其最初者

本朝順治十四年修有

世祖御製碑銘立堂內又書門額曰通微佳境寺院冊按明萬

海而來之湯若望習泰西之教精於推步順治年間受三品秩并賜以通微教師之名見御製碑文內康熙

五十一年重修堂西偏為時憲書局寺院冊一統志時憲書局即明御史鄒元標副都

御史馮從吾所建首善書院後禮部尚書徐光啟借院修厯名曰厯局本朝仍令西洋人局此治理時憲書燕都游覽志首善書院天啟初鄒公南皋馮公少墟兩先生為都人士講學之所葉少師臺山向高撰碑董宗伯思白書黨禍起魏忠賢矯旨毀天下書院搥碎碑附即其地開局修厯

華陽吳祖椿校